

" মিষ্টি বাচ্চারা - ২১ জন্মের জন্য সদা সুখী হওয়ার কারণে এই অল্প সময়ের জন্য দেহী - অভিমানী হওয়ার অভ্যাস করো ।"

প্রশ্ন :- দৈবী রাজধানী স্থাপন করার জন্য প্রত্যেকের কোন্ শখ থাকা উচিত ?

*উত্তর :- সেবার শখ । জ্ঞান রঞ্জের দান তোমরা কিভাবে করবে সেই শখ রাখো । তোমাদের উদ্দেশ্যই হলো পতিত মানুষকে পবিত্র করা তাই বাচ্চাদের রাজস্ব বৃদ্ধি করার জন্য অনেক সেবা করতে হবে । যেখানেই মেলা ইত্যাদি হয় , লোক স্নান করতে যায় সেখানেই তোমাদের পর্চা(leaflets) ছাপিয়ে বিলি করতে হবে । ঢাক ,ঢোল পিটিয়েও প্রচার করতে হবে ।

গীত :- তোমাকে পেয়েই আমরা জগত পেয়ে গেছি

ওম্ শান্তি । নিরাকার শিববাবা বসে বাচ্চাদের বোঝাচ্ছেন - বাচ্চারা দেহী - অভিমানী হও । নিজেকে আত্মা ভাবো আর বাবাকে স্মরণ করো । আমরা সকলেই আত্মা , আমাদের শিববাবা এসে পড়ান । বাবা বোঝান যে - সংস্কার সব আত্মার মধ্যেই থাকে । যখন মায়া রাবণের রাজ্য শুরু হয় , অথবা ভক্তিমার্গ শুরু হয় তখন তোমরা দেহ - অভিমানী হয়ে যাও । তারপর আবার যখন ভক্তি মার্গের অন্ত সময় আসে তখন বাবা এসে বাচ্চাদের বলেন - এখন তোমরা দেহী - অভিমানী হও । তোমরা যে সব জপ , দান , পুণ্য কর্ম করেছে , তাতে কোনো লাভ হয় নি । তোমাদের মধ্যে ৫ বিকার প্রবেশ করাতে তোমরা তোমরা দেহ - অভিমানী হয়ে গেছো । রাবণই তোমাদের দেহ - অভিমানী বানায় । আসলে তোমরা একসময় দেহী - অভিমানী ছিলে তাই আবার নতুন করে তোমাদের অভ্যাস করানো হয় যে নিজেকে আত্মা মনে করো । তোমাদের এই পুরোনো শরীর ত্যাগ করে নতুন শরীর ধারণ করতে হবে । সত্য যুগে এই ৫ বিকার থাকবে না । দেবী - দেবতা , যাদের পবিত্র মনে করা হয় , তারা আত্মা - অভিমানী হওয়ার কারণে ২১ জন্ম সর্বদা সুখে থাকে । তারপর যখন রাবণ রাজ্য শুরু হয় তখন তোমরা আবার দেহ - অভিমানী হয়ে যাও । দেহী - অভিমানীকে সোল কন্সাস আর দেহ - অভিমানীকে বডি কনশাস বলা হয় । নিরাকারী দুনিয়াতে তো সোল কন্সাস আর বডি কনশাস কোনো প্রশ্নই থাকে না । ওই দুনিয়া হলো নীরব দুনিয়া । সেই সংস্কার এই সঙ্গম যুগেই হয় । তোমাদের দেহ - অভিমানী থেকে দেহী - অভিমানী বানানো হয় । সত্যযুগে দেহী - অভিমানী হওয়ার কারণে তোমাদের দুঃখ ভোগ করতে হয় না কারণ তোমরা যে আত্মা এই জ্ঞান তোমাদের থাকে । এখানে তো সবাই নিজেকে দেহ ভাবে । বাবা এসে এখন বোঝান যে বাচ্চারা এখন দেহী - অভিমানী হও তাহলেই বিকর্ম বিনাশ হবে । তখন তোমরা বিকর্মাজীত হতে পারবে । সত্যযুগে শরীরও থাকবে , তোমরা রাজ্যও করবে কিন্তু আত্মা - অভিমানী হবে । সবসময় সুখী থাকবে । সোল কন্সাস হলেই তোমাদের বিকর্ম বিনাশ হবে তাই বাবা বলেন যে আমাকে স্মরণ করতে থাকো তাহলেই বিকর্ম বিনাশ হবে । দুনিয়ার মানুষ গঙ্গা স্নান করে কিন্তু গঙ্গা কখনোই পতিত - পাবনী নয় । না কোনো যোগ - অগ্নি যার দ্বারা বিকর্ম বিনাশ হবে । এমন এমন বিষয়ে বাচ্চারা সেবা করার সুযোগ পায় । যেমন সময় তেমন সেবা । কতো মানুষ গঙ্গা স্নান করতে যায় । কুস্ত্র মেলাতেও সব জায়গায় মানুষ স্নান করে । কেউ কেউ সাগরে যায় , কেউ আবার

নদীতেও স্নান করতে যায়। তাই এদের সকলকে বিলি করার জন্য কত পর্চা ছাপাতে হবে। সবাইকে বিলি করতে হবে। পয়েন্টও যেন এই থাকে যে - ভাই - বোনেরা, বিচার করো, পতিত - পাবন, জ্ঞান - সাগরের থেকে নির্গত হওয়া জ্ঞান নদীর দ্বারাই কি তোমরা পবিত্র হতে পারো নাকি এই সাগরের জল বা নদীর জলের দ্বারা? তোমরা যদি এই রহস্যের সমাধান করতে পারো তাহলেই এক সেকেন্ডে জীবনমুক্তি পেতে পারবে। রাজ্য - ভাগ্যের বর্ষাও পেতে পারবে। এমন পর্চা যেন প্রতিটা সেন্টার ছাপায়। নদী তো সব জায়গায় আছে। নদী অনেক দূর থেকে বয়ে আসে। যেখানে সেখানে অনেক নদী আছে। তাহলে লোকে কেন বলে যে এই নদীতে স্নান করলে পবিত্র হবে। স্নান তো তোমরা জন্ম - জন্মান্তর ধরে করো। সত্যযুগে মানুষ স্নান করে। সেখানে সকলেই পবিত্র। এখানে তো শীতের সময়ও কতো কষ্ট করে মানুষ স্নান করতে যায়। তাই তাদের বোঝাতে হবে যে অন্ধের লাঠি হও। সকলকে জাগ্রত করতে হবে। পতিত - পাবন ভগবান এসেই সকলকে পবিত্র বানান। তাই সকল দুঃখী মানুষদেরও পথ বলতে হবে। এইসব ছোটো ছোটো পর্চা সমস্ত ভাষাতেই ছাপা চাই। লাখ - দুলাখ পরিমাণের ছাপতে হবে। যাদের বুদ্ধিতে এই জ্ঞানের নেশা চড়ে আছে, তাদের বুদ্ধিই কাজ করবে। এইসব ছবিও দু তিন লাখ প্রত্যেক ভাষাতেই হওয়া চাই। প্রতিটা জায়গায় গিয়ে এই সেবা কাজ করতে হবে। এই বিষয়ে একটা পয়েন্টই মুখ্য যে, এসে বোঝো কিভাবে এক সেকেন্ডে মুক্তি - জীবনমুক্তি পাওয়া যায়। প্রধান সেন্টারের ঠিকানা দিয়ে দাও, তারপর পড়ুক বা না পড়ুক তাদের বিষয়। তোমাদের বাচ্চাদের ত্রিমূর্তির ছবির উপর বোঝানো উচিত যে ব্রহ্মার দ্বারা অবশ্যই এই স্থাপনার কাজ হয়। দিন প্রতিদিন মানুষ বুদ্ধিতে পারবে বিনাশ তো সামনেই। এই ঝগড়া ইত্যাদি বাড়তেই থাকবে। মানুষের জীবনে সম্পত্তি নিয়েও কতো ঝগড়া চলতে থাকে। মারামারি পর্যন্ত হয়ে যায়। বিনাশ তো সামনেই হবে। যারা খুব ভালো করে ভাগবত গীতা ইত্যাদি পড়বে তারা বুদ্ধিতে পারবে বরাবর এ তো আগেও ঘটেছিলো। তাই তোমাদের বাচ্চাদের খুব ভালো করে বুদ্ধিতে হবে জলে স্নান করলেই কি মানুষ পতিত থেকে পবিত্র হতে পারে নাকি যোগ অগ্নির দ্বারা পবিত্র হয়। ভগবান উবাচঃ - আমাকে স্মরণ করলেই তোমাদের বিকর্ম বিনাশ হবে। যেখানে যেখানে তোমাদের সেন্টার আছে সেখানে বিশেষ বিশেষ সময়ে এই পর্চা বের করা চাই। মেলাও অনেক হয় যেখানে, যেখানে অনেক মানুষ আসে। কিন্তু কোনো কোনো বিশেষ মানুষই বুদ্ধিতে পারবে। এই পর্চা বিলি করার জন্যও অনেক লোক চাই যারা অন্তত এইকথা বোঝাতে পারবে। এমন জায়গায় গিয়েই তোমাদের দাঁড়াতে হবে। এ হলো জ্ঞান রত্ন। এই সেবা করার অনেক শখ রাখা চাই। আমরা আমাদের দৈবী বাদশাহী স্থাপন করছি। এ হলো মানুষ থেকে দেবতা বা পতিত থেকে পবিত্র বানাবার মিশন। এও তোমরা লিখতে পারো যে বাবা সকলকে বুদ্ধিয়েছেন "মনমনাভব।" পতিত - পাবন বেহদের বাবাকে যদি স্মরণ করো তাহলে তোমাদের বিকর্ম বিনাশ হয়ে যাবে। স্মরণের যাত্রার পয়েন্টও তোমাদের বাচ্চাদের বার বার বুদ্ধিয়ে বলা হয়েছে। বাবাকে বার বার স্মরণ করো। স্মরণ সুখের অনুভূতি করো, শরীরের যাবতীয় কষ্ট দূর হয়ে তোমরা সুস্বাস্থ্যের অধিকারী হবে। *বাবাই মন্ত্র দিয়েছেন যে আমাকে স্মরণ করো, এমন নয় যে বসে কেবল শিব - শিব জপ করো। শিবের ভক্তরা এইভাবে শিব - শিব মালা জপ করতে থাকে। বাস্তবে এ হলো রুদ্র মালা। শিব আর শালিগ্রাম। মালার ওপরে আছেন শিব। বাকি সব ছোটো ছোটো দানা অর্থাৎ আত্মারা। আত্মা খুবই ছোটো বিন্দু। কালো দানারও মালা হয়। তাই শিবের মালাও বানানো হয়*। আত্মাকে তার নিজের বাবাকে স্মরণ করতে হবে। বাকি মুখে খালি শিব - শিব বললেই হবে না। শিব - শিব বলতে থাকলে বুদ্ধির যোগ আবার বাবার দিকে চলে যাবে। এর অর্থতো কেউই বোঝে না। শিব - শিব জপ করলে বিকর্ম তো বিনাশ হবেই না। যারা মালা জপ করে তাদের কাছে তো এই জ্ঞান নেই

যে , বিকর্ম তখনই বিনাশ হয় যখন সঙ্গম যুগে ডাইরেক্ট শিববাবা এসে এই মন্ত্র দেন যে "মামেকম" (আমাকে) স্মরণ করো । বাকি যতোই কেউ বসে শিব - শিব করুক , বিকর্ম বিনাশ হবে না । মানুষ কাশীতেও গিয়ে থাকে । তারা শিব - কাশী , শিব - কাশী বলতে থাকে । এও বলে যে কাশীতে শিবের প্রভাব আছে । শিবের মন্দির তো খুব সুন্দর বানানো হয়ে থাকে । এ সবই হলো ভক্তিমার্গের সামগ্রী । তোমরা এই বলে বোঝাতে পারো যে বেহদের বাবা বলেন - আমার সাথে যোগ লাগালেই তোমরা পবিত্র হবে । বাচ্চাদেরও সেবা করার শখ থাকা চাই । বাবা বলেন যে আমাকেই পতিত মানুষদের পবিত্র বানাতে হবে । তোমরা বাচ্চারাও এই পবিত্র বানাবার সেবা করো । *পর্চা নিয়ে গিয়ে সকলকে বোঝাও । সকলকে বলো , এই পর্চা খুব ভালো করে পড়ো । মৃত্যু তো এখন সকলের সামনেই দাঁড়িয়ে আছে । এ হলো দুখধাম । এখন জ্ঞান - জ্ঞান একবার করাতেই তোমরা এক সেকেন্ডেই জীবনমুক্তি পেতে পারো । তাহলে ঘুরে ঘুরে বিভিন্ন নদীতে স্নান করার কি দরকার । আমরা সেকেন্ডে জীবনমুক্তি পেতে পারি সেই কারণেই আমরা ঢাক পেটাই । না হলে তো কেউই এই পর্চা ছাপাবে না । বাচ্চাদের এই সেবার অনেক শখ রাখা দরকার* । এই যা সব বানানো হয়েছে সবই সেবার জন্য । এমন অনেক আছে যাদের সেবার শখই থাকে না । তাদের খেয়ালেই আসে না যে কিভাবে এই সেবা করবো , এই সেবাকাজ করতে হলে খুব চমত্কার বুদ্ধি চাই , যাদের পায়ে দেহ - অভিমানের শিকল এখনও আছে , তারা দেহী - অভিমানী হতে পারবে না । বোঝা যায় এরা আর কি পদ পাবে ? তাদের প্রতি দয়া আসে । সব সেন্টারেই দেখা হয় - কে কে এই পুরুষার্থে তীর গতিতে আছে । *কেউ কেউ আকন্দের ফুল , কেউ কেউ আবার গোলাপ ফুল । তোমরা নিজেরা ভাবো , তোমরা অমুক ফুল* । তোমরা যদি বাবার সেবা না করো তাহলে বুঝতে হবে যে তোমরা গিয়ে আকন্দের ফুল হবে । বাবা তো খুব ভালোভাবে তোমাদের বুঝিয়ে বলেন । *তোমরা এখন হীরের মত হওয়ার জন্য পুরুষার্থ করছো । কেউ কেউ সত্যিকারের হীরা আবার কেউ কেউ কালো এবং রুক্ষ । তোমাদের প্রত্যেকেই নিজের খেয়াল রাখতে হবে চিন্তা করবে - আমাদের হীরের মতো হতে হবে । নিজেকে জিজ্ঞাসা করো , আমরা কি হীরের তুল্য হয়েছি* ? আচ্ছা ।

মিষ্টি - মিষ্টি হারানিধি (সিকিলধে) বাচ্চাদের প্রতি মাতা - পিতা , বাপদাদার স্মরণ ভালোবাসা এবং সুপ্রভাত । রুহানী বাবার রুহানী বাচ্চাদের নমস্কার ।

ধারণার জন্য মুখ্য সার :-

১) দেহ - অভিমানের শিকল কেটে দেহী - অভিমানী হতে হবে । সোল কনশাস থাকার সংস্কার ধারণ করতে হবে ।

২) সেবার অনেক শখ রাখতে হবে । বাবার মতোই পতিত মানুষকে পবিত্র করার সেবা করতে হবে । সত্যিকারের হীরা হতে হবে ।

বরদান :- শ্রেষ্ঠ আর শুভ বৃত্তির দ্বারা বাণী আর কর্মকে শ্রেষ্ঠ বানিয়ে বিশ্ব পরিবর্তক হও ।

যেসব বাচ্চা নিজের দুর্বলতাকে দূর করে শুভ আর শ্রেষ্ঠ স্বভাব ধারণ করার ব্রত নেয় , তাদের নজরে এই সৃষ্টিও শ্রেষ্ঠ প্রতিপল্ল হয় । স্বভাবের সাথে দৃষ্টি আর কর্মেরও সম্পর্ক আছে । কোনো ভালো বা খারাপ বিষয় প্রথমে মানুষ স্বভাবে ধারণ করে তারপর তা বাণী বা কর্মে আসে । স্বভাব শ্রেষ্ঠ হওয়া অর্থাৎ বাণী আর কর্ম ততক্ষণাত শ্রেষ্ঠ হওয়া । মানুষের এই স্বভাব থেকেই ভাইব্রেশন বা বায়ুমন্ডল তৈরী হয় । যারা শ্রেষ্ঠ স্বভাবের ব্রত ধারণ করে তারা ততক্ষণাত বিশ্ব পরিবর্তক হতে পারে ।

স্লোগান :- বিদেহী বা অশরীরী হওয়ার অভ্যাস যদি করো তাহলে যে কোনো মানুষের মনের ভাব জানতে পারবে ।



তপস্বীমূর্ত হও



সময়ের নিকটবর্তীতাই প্রমাণ যে এখন সত্যিকারের তপস্বী হতে হবে । তোমাদের সত্যিকারের তপস্যা বা সাধনাই হলো বেহদের বৈরাগ্য । এখন এই বেহদের বৈরাগ্যের দ্বারাই চারিদিকে তপস্যার বায়ুমন্ডল বানাও । তোমাদের তপস্যা যেন মনের সেবার নিমিত্ত হয় ।